

НАДЕЖДА.

... Написавъ: ИВАНЪ, старый кураторъ. ...

Цѣна 20 филлировъ.

Унгваръ, 1918. годъ 9. октября.



УНГВАРЪ, 1918.

Друкарня Акціѣнаго Товариства „Уніо“.

Книжочки для народа.

Товариство наше издае поучительнѣ книжочки для народа, котрѣ може у насъ хотъ кто достати.

Дотеперь появились:

Число 1.	ФАВІОЛА, историчный разсказъ изъ першихъ вѣковъ христіанской церкви. А. Волошинъ	50 фил.
Число 2.	НАША ПРАВДА истинныхъ вѣрм. Д-ръ Г. Шуба	40 фил.
Число 3.	ПАНТЕЛЕЙМОНЪ, о частомъ причащеніи и о соединеніи Церквей, по Гристову А. Яцковичъ	40 фил.
Число 4.	ВОРОЖБА або НЕ ПРОТИВСЯ НАУЦѢ! Правдива исторія. По Б. Л. переписавъ Ивановичъ	40 фил.
Число 5.	НАШЪ СТРАШНЫЙ ВОРОГЪ. Написавъ Авг. Волошинъ	70 фил.

Давнѣйшія изданія:

Животъ Святыхъ. Съ образами. Викторъ Желтвай	—50
Исторія Угорщины. Евгенийъ Фенцикъ	—80
Литургика. Евгенийъ Фенцикъ	—40
Канонъ и пѣсни Свѣтлаго Воскресенія	—12
Совѣты изъ Садоводства. Емилианъ Левканичъ	—20
Наука пчоларства. Михаилъ Радомскій	—30
О земледѣльствѣ. Іоаниъ Мигалка	—20
Праздники нашего обряда. Авг. Волошинъ	—20
Пѣсни св. Николая	—12
Св. Кириллъ и Меѳодій	120
Покровъ Пр. Дѣвы Богородицы. Др. Вас. Гаджега	—12
Колядки	—20
Св. Асаназія Великій. Др. Вас. Гаджега	—20
Пять рѣчи вѣры. О. Августинъ Волошинъ	124
Пѣсни Богородицы	—12
Пѣсни на Покровы	—12
Разговоръ о 7 Тайнахъ	—16
Вифлеемскія игры	—30
Параклисъ	—12
Размышленія для молодыхъ. О. Павелъ Бѣгунъ	—30
Библія съ образами	120
Три царства природы	—60
Географія	—40
Физика	—80
Коротка граматика и ариеметика	—60
Робинзонъ	—40
Геновева	—40
Христофоръ Колумбъ	—40
Арпадъ основатель отечества	—40

Адресъ:

Unio könyvnyomda Ungvár, Széchenyi-tér 10. szám.



Народъ безъ просвѣты.

Всесвѣтна война якбачъ уже не довго буде держати. Она конечно не мине безъ наслѣдковъ. По войнѣ настануть великѣ перемѣны. Тото грозное потрясѣня цѣлого свѣта майже для каждого народу принесе дашто. Принесе и для наименшихъ, за котрыхъ широкій свѣтъ дотеперь мало што знавъ.

Што принесе война нашому народу, кто бы могъ тото окремъ Бога напередъ знати. Лишь то едно можеме изъ певностию казати, ожъ якбы нашъ народъ стоявъ на высшомъ степени просвѣты, якъ стоять, нашѣ надѣѣ на красшу и лѣпшу будучность могли бы быти певнѣйшѣ. А такъ? . . . Лишь еденъ Богъ знае, ци полѣпшиться доля нашего народу?

По войнѣ животъ народовъ пойде иншимъ путемъ, якъ дотеперь ишовъ. Конституційнѣ права такъ цѣлыхъ народовъ,

якъ и поедныхъ горожамъ будутъ розширенѣ. Розумѣется, просвѣченѣ народы досягнуть для себе изъ тыхъ правъ больше, якъ темнѣ и непросвѣченѣ. Ци досягне дашто и нашъ бѣдный народъ, котрый — жалъ и ганьба казати — не мае майже жадноѣ свѣдомости и прото робить все то, што ему розказують, а иде тамъ, куда его женуть, — кто то знае?

Нашъ народъ е домакъ выставлений на ласку и не ласку иншихъ людей . . . А чомъ сесе такъ? Прото, бо онъ е темный, непросвѣченный. Онъ не знае своихъ горожанскихъ правъ. Онъ ничъ не розумѣся на томъ, якъ треба свои права охраняти передъ напастниками, — и якъ треба ся добивати до новыхъ правъ.

Просвѣченѣ народы мають иного способовъ розширяти свои права и усувати на бокъ вселіакѣ несправедливости и кривды.

А темный народъ анѣ изъ мѣста рушитися не знае.

Просвѣченѣ народы мають свою интеллигенцію, то есть людей образованыхъ, ученыхъ, котрѣ суть проводниками и оборонителями простого народу. — Темный народъ не мае ту на земли никого, нѣ проводника, нѣ оборонителя . . . бо изъ темного народу не вырабляеся така интеллигенція, котра бы його заступяла и вела на дорозѣ добробыту.

Просвѣченѣ народы мають свою литературу, то есть свое народное письменство, свою пресу, свое школьництво, свои товариства, банки, свой промыслъ и таке инше, — а тото все дае имъ способъ розвиватися и розширяти свое жытя на всѣхъ поляхъ и на всѣ стороны. Темный народъ — якъ и нашъ бѣдный — изъ всего того ничего не мае.

Где наша нтелигенція, наше письменство, школы, банки, товариства? . . . Изъ того всего у насъ ани слѣду не е. Бѣда!
Бѣда изъ нашимъ народомъ, бо война приходитъ уже до конца, а нашъ народъ сидитъ въ темнотѣ и спитъ

Часъ уже остатній и намъ просвѣчатися, штобы тогды, якъ иншѣ народы будутъ обдарованѣ за свои великѣ жертва якѣ во войнѣ принесли, за нашъ народъ не забыли.

Тадъ — же и онъ терпитъ всѣ несчастья войны не горше иншихъ и онъ лие свою кровъ и онъ жертвуетъ все, што може за державу и за царя

Не сидѣмъ въ темнотѣ и не спѣмъ, але полюбѣмъ уже разъ и мы просвѣту, бо окремъ Бога лишь у ней есть наша надѣя!

До дѣла! Будуйме для себе храмъ красшоѣ долѣ, лѣпшоѣ будучности!

Написавъ : Шарыщанъ.

Пѣснь до Ілія пророка.

О славный пророче
Ты Іліе Святый,
Съ тѣломъ и душою
На небеса взятый.

Ты въ земномъ животѣ
Богу вѣрно служивъ,
Прото ты Господь Богъ
Той славы сподобивъ.

Узрѣвъ ты Господь Богъ
Мужа праведнаго,
Взявъ тебе ко себѣ
На небо живаго.

И поставивъ тебе
При своемъ престолѣ,
Быєъ ублагавъ Его
За грѣшныя люди.

Прото св. Церковь
Тебе величаетъ,
Якъ славна пророка
Тебе почитаетъ.

И мы христіане
Тебе ублажаемъ,
Когда память твою
Нынѣ совершаемъ.

Въ твой день плакала
Пречиста Марія,
Въ Повчанскомъ храмѣ
За люди грѣшныя.

Плакала Марія
Потомъ и большеразъ,

Она бо видѣла
 Же грядеть смутный часъ.

Который смутиый часъ
 Днесъ всѣ уживаемъ
 Котрѣ въ сей страшный
 Войнѣ страдаеме.

Въ твой день рушали
 Всѣ смутно на войну,
 Чтобы боронити
 Отъ враговъ отчизну.

Уже пятый годъ
 Война ни престае,
 Но, по всей вселеннѣй
 Кровь ся проливаетъ.

По вшиткихъ сторонахъ
 Плачь и рыданіе,
 Чрезъ сіе страшное
 Кровопролитіе.

Прото мы Пророче,
 Къ Тебѣ приходимъ,
 И жалостнымъ гласомъ
 Усердно Тя просимъ.

Моли Христа Бога
 Съ Его Матерію,
 Да становить уже
 Сію страшну войну.

Бы зводилъ тѣмъ скорѣ
 Сей войны престати,
 Воюющей земли
 Миръ, покой послати.

Исторія одной матери.

(Казка.)

Мати сумно сидѣла коло дѣтины и боялася, што умре дѣтина.

Тяшко воздухъ брала, личко помарнѣло, и жалостно стогнала.

Мати болѣзно на ню позерала. Тогда заступивъ въ хижу еденъ человекъ въ теплу одежду прибрatый. Вонъ дуже студено было, и свячина снѣгомъ застелено. Зачимъ старый человекъ дрожавъ отъ студени, но и дѣтина уснула на малый часъ, мати у миску насыпала мало поливки и положила зогрѣти. Старець сѣвъ и колысавъ дѣтину. Мати уже три ночи не спала и такъ очи еѣ ся заперли и заспала, но токмо на минуту. Удоперла очи и разпозерала, но старецъ и дѣтина нигди не были.

Мати изъ хати съ страхомъ выбѣгла. Вонъ на снѣгу сидѣла одна стара жена у черной одежи. То была сама ночь. И мати отъ неѣ ся просила, ци не видѣла ей дѣтину.

— Айно — каже ночь. — Видѣламъ ти смерть у хижу зайти, онъ отнялъ твою дѣтину, тады понесъ въ тоту хащу смерекову.

Но у хащи пути ся раздѣляли и мати не знала котрымъ путемъ ити. Тамъ бывъ еденъ терновый корчъ и того ся позвѣдала.

Корчъ казавъ: Исправлю тя, ажъ ня изохрѣешь, бо дуже ня снѣхъ припавъ. И мати обьяла тернину и угрѣвала.

Тернина тѣло еѣ страшно поколола и теплый кровь всягды вытекавъ изъ тѣла еѣ.

Но тернина вызеленѣла и почала цвѣсти. Тогда указала дорогу. Идучи пришла къ одному озеру, но не могла перейти, и дуже ся засмутила, но озеро ся оголосило:

— Я дуже люблю жемчугъ (перль, guöngu) и твоѣ очи найкраснѣшѣ жемчугѣ, плачъ докѣ ти очи не вытекуть и тогда ты понесу тамъ, где смерть жие.

Мати доти плакала, што очи вытекли. И озеро перенесло еѣ и тамъ была велика загорода (кертъ) изъ всякими растеніями. Были тамъ всякѣ цвѣтки дерева. Каждое растеніе содержало въ себѣ еденъ животъ человѣческій. Мати не видѣла но изрозумѣла, же смерть тамъ ходитъ между косичками, и закрѣчала на смерть:

— Якъ смѣвъ ты мою дѣтину отняти? Теперъ ти всѣ косичкѣ вытягну!

Но смерть казала: не смѣй то учинити, изъ тымъ бысь лишъ другія матери засмутила. Я лишъ Богу волю исполняю. Я дозераю на его растенія, и коли онъ дозволить пересажу у его прекрасну загороду — въ Царство небесное.

Туй маешь собѣ очи, выбравъ емъ изъ озера и пой позерай якій вѣкъ бы мала твоя дѣтина. И тамъ бывъ колодязъ и въ томъ можъ было видѣти якѣ тяжкѣ болезнѣ нужди, и бѣду мала переносити еѣ дѣтина въ животѣ своемъ. И мати напудилася и возкликнула:

— Оборони мою нещасну дѣтину и неси въ радость въ царство небесное. — Господи да будетъ воля твоя не услыши прошеніе мое противъ твоей волѣ. Твоѣ дѣла суть наймудрѣйшія.

Послѣ Андерсена подае: Марія П. Долинай.

Ой поле широкое . . .

Ой поле широкое
На нимъ росте трава,
Пой дулюки и повѣждь ми
Коли будешь дома.

Ой поле широкое
 На немъ росте зиля,
 Безъ любого молодого
 Несчастлива недѣля.

Ой мои очка чорнѣ
 Никда не охаютъ,
 Тогда любка споминають
 Якъ спати лѣгають.

Написавъ Василій Данчъ, стражамештеръ изъ Углѣ.

„Сохранѣмъ юношество“!

Писавъ: Ст. . . .

Такъ воскликнувъ недавно одинъ великій Епископъ и пламенѣйшій Апостоль къ Отечеству.

И я такъ могу вопѣти къ нашему тѣснѣйшему Отечеству, къ нашему народу: Сохранѣмъ наше юношество! Чтобы не погибли!

Вотъ и Господь нашъ Иисусъ Христосъ такъ очень любивъ молодъ, малчики и такъ казавъ къ Апостоламъ своимъ: „Не возбраняйте дѣти къ мнѣ ити“! И опять: „Горе тымъ, котри соблазнятъ единого отъ малыхъ сихъ“! И передавъ власть Апостоламъ и наслѣдникамъ ихъ, то есть св. Мати Церкви, чтобы младенцы и молодъ научали въ христіанскомъ духѣ и такъ къ Богу Творцу и Создателю приводили.

Но далѣе кто бы не знавъ: Чіе молодость, того и будущность! А чіе будущность, того есть и столѣтна работа, наука, художество, культура, просвѣщенность, — словомъ того все!

Кедь хочеме возбуди, возстановити новый благочестивый, побожный, религіозный народъ, отъ молодежи потребно начинати воспитаня. И въ якомъ духѣ будетъ воспитыватися молодь, юношество, такіъ будетъ духъ и будущности!

Если испорченны младенцы, дѣти, испорченны будутъ и будущи граждане и повстанутъ: болшевики, нигилисты, безбожни и безконфессійни цуцилисты, демократы; котори не о благобытіи общества, но на перекоръ и наполненіи своей кешени будутъ старатися, — якъ и приклады показываютъ.

Такъ слухи доносятъ намъ, якъ-бы ктось потаемно пубурливалъ, збунтовалъ народъ, чтобы передававъ на державу вѣроисповѣдніи школы своя прадѣдны, — которыя предки наши, отцы и праотцы съ мозольными руками сбудовали на славу Богу и на пользу и спасеніе дѣтей и такожде тяжко поддерживали, — и мѣстами изъ своего маренького орека на поддерживаніе школы по часточкѣ выдѣлили. Теперь добрѣ бы отобрати.

Не слушайте на изводителѣ, но крѣпко держтеся якъ вѣры своей прадѣдной, такъ Церкви и школы своей вѣроисповѣдной, — ибо то дорогое Сокровище, большое якъ сеземни маетки, дорогое якъ душа человѣческа. Дотолѣ стоитъ и вѣра наша, доколѣ на школахъ и въ школахъ крестъ видиме. То наша гордость, наше драгоцѣнность, — школа есть притворъ (сѣни) Церкви. Кто возьме отъ насъ притворъ, тотъ уже отбере и Церковь.

Но поносъ доношуеся, что и пѣвцоучители не уважають достаточно на обученіе Хрістіанское дѣтіе, особенно церковное пѣніе! Это смутное и жалостное явленіе. Ибо смію выповѣсти, что дотолѣ будутъ вѣрующіи любити свою церковь и школу, доколѣ будутъ знати свой обрядъ восточный очаровательный и церковное пѣніе велелѣпное!

Таже велика задача, и отвѣтливость чекае позадь душпастырями на пѣвцоучители. Най держать найпершою и совѣстною повинностию своею: восточный обрядъ и церковное пѣніе научати.

Дотолѣ и весело въ Церкви, деколѣ вѣрники спѣвають и Бога славятъ въ Церкви, якъ на небѣ Ангелы. На противъ смутно съ всѣмъ въ такомъ селѣ, где дякъ самъ тамъ дрындать.

Но и церковна верхность строго буде брати на рахунокъ такихъ пѣвцоучителей, котри пренебрегаютъ и легкомысленно пролишаютъ свою головну повинность и дѣтей, молодежь въ темнотѣ лишаютъ, хотяй дорого заплаченни, — и такъ предатели своей вѣры и своего народа будутъ понеже и на страшномъ судѣ отъ ихъ рукъ будетъ брати отвѣтъ строгій, но праведный Судія за грубое преступленіе, и лѣнничество до хвалы Божія!

Не дайте таже пропасти нашему юношеству! Сохранѣмъ молодъ! Еще разъ воскликну. Но да не буде слово мое „гласъ въ пустыни поющаго“. Пробудимся отъ сна смертельного! Бѣда велика! Голосъ до неба вопѣющій!

Древо св. Креста.

Тое древо на которомъ Богъ во раи хотя прародителей вѣрность узнати, заклято было что не родилося на немъ ничъ. Росло но и схло.

Когда Соломонъ будоваль храмъ Божій високое дерево сіе давъ урѣзати, но майстры то тутъ то тамъ метали его и не удавало имъ нигде, перерѣзали и на ярокъ якъ лавку употребляли.

Коли Іисусъ Христа осудили на смерть наскоро не найшли дерево, сесе узяли тоту ловку и на него его распяли. Такъ можъ слова св. Павла порозумяти во Адамовѣмъ древо умерли мы но во тымъ когда на немъ Іисусъ распятый мы ожили.

Когда же закопанъ былъ сей Крестъ и святой Константинъ найшовъ долго во Иерусалимскій церкви бывъ едностайный; но якъ царство римлянское ся раздѣлисо на двое то еденъ дарабъ бывъ у Римѣ а еденъ у Константинъ градѣ.

Потомъ его на маленьки трѣски подѣлили и за дорогѣ грошѣ продали тымъ церквамъ котрѣ могуціи были.

Такъ у нашей епископскій церкви есть еденъ дарабчикъ изъ святаго Креста во томъ дарохранительнымъ крестѣ который по воздвиженія праздникъ и 3-тый недѣлѣ великого поста укладывается средѣ церкви.

Та коли мы во епископскій церкви поклонимся кресту знати треба что во немъ есть самое тое древа часть на которомъ Иисусъ кровь свою пролявъ.

Пивѣдатель.

Искусный фишкалошъ.

Во недавномъ времени живъ одинъ дворянинъ великобогатъ панъ, съ великими таблами и со дворами. Вдовецъ ужъ бывъ и позадъ супружества токмо одина дѣвица была его утѣха.

Возрастала сія дѣвица и многія ходили до его госте пріятнаго дома, хотя завязати дѣвицы сердце, но сіе не одному не удалось, токмо одному воину сотнику; но сей не знати прочто, ласку отца не годенъ бывъ пріяти.

Во едно время тяжко поговорѣвъ нашъ панъ и testamentъ писавъ, во которомъ то стояло, же весь маетокъ придатися мае его дѣвцѣ, но подъ томъ прилогомъ обы его дѣвка не пошла за мужъ того сотника, иный кто будь може ю взяти, лемъ того якось ненави-дѣвъ; а въ томъ случаи, если его дѣвка за мужъ пойде за сотника, маетокъ перейде на братнѣ дѣти, которы мають 30 тысячъ коронъ дати его дѣвцѣ.

Жало смерти постигло пана и умеръ, и погребенъ. По скончавъ жалобного рока, идутъ до духовника на за-ручиніе, двѣица того споминатого пана а женихъ одинъ 70 рочный старокъ, а сотникъ староста.

— Что хотите чинити? говоритъ священникъ, одна красевица ружа отдатися за старого гриба, кому една нога уже въ гробѣ.

Всеу, не возможно ихъ было отречи; разъ, другій разъ и третій разъ пришли, и на конецъ священникъ повѣнчавъ ихъ, было то время еще предъ пріятіемъ цивильного малженства.

Пазывайме Даниломъ сего 70 рочного старика, который цвѣтущую ружу взявъ за жену; но нашъ сотникъ не отрекся воинского става, но чекавъ коли прійде уже его часъ.

Добрѣ было старику на стари дни лѣта своя до-кончивати въ всякихъ сеземныхъ сладостяхъ, но по нѣсколько роковъ и онъ пошовъ здѣ ни болизни ни печали — тоестъ померъ и въ великомъ парадѣ по-гребенъ.

Позадъ одного жалобного рока опять прійдутъ ко духовнику на бракосочитаніе, вдовица Данила и квит-тированный сотникъ. — Свадьба отбылася.

Тогда настало право ибо того дворянинаго брата сыны давали грошѣ отступного бо во тестаментѣ писано было же: „дѣвѣца же отдаеся за того сотника, маетокъ перейде . . .“

Право стояло, а фишкалишъ досвѣдчивъ, же то не дѣвка была уже, но вдовѣца о чемъ же тестаментъ не говоривъ, и выиграли право.

Повѣдатель.

Всячина.

Реквированье роховоѣ худобы. Всюду выданно отъ поджупана (вицишпанъ) котре село сколько худобы роховоѣ мае передати.

Такъ коровы якъ и воли раздѣленнѣ на платню во 6 классы. Найтуньшѣ коровѣ пониже 3 метровъ = 4 К 60 фил. по килограму, найдорожѣ же воли по вышше 5 метровъ: 7 кор. кгр. Воли протребнѣ на роботу газдовску, та коровы до розплоду, тѣлнѣ аѡ изъ маломъ теляткомъ не вольно зареквировати.

Не переберае команда воинска: телятня до 2 годовъ, худобы и нездоровѣ, тай котрѣ не важать 3 метровъ.

Сколько годовнаковъ можъ тучити? Одного годовнака каждый може годовати на свою потребу, лишь мае се замелдовати сѣльскомъ урядникамъ. На два годовнаки также сѣльское начальничество (бировъ — голова) може дати дозволеніе.

Кто же больше якъ двоухъ свиней хоче годовати, най проситъ дозволеніе отъ журата окружного або у городахъ (варошъ отъ бургмайстера.)

Тучнѣ годунаки лишь тогда можъ зарѣзати, если томъ начальникъ, котрый годованіе дозволивъ (бировъ, або журать) се также дозволить.

Максимальна цѣна свиней. Правительство выдало на свиней цѣну максимальну. И то на поросята до 30 килограму по 14 кор. килогр. на великѣ же свинѣ до 30 килограмовъ 14 кор. повыше же каждый клграмъ 6 кор. Таже за пороса что важить 25 килограму можъ достати 25-разъ 14 кор. то есть: 350 кор., за свиню же котра важить на пр.: 80 килограму разъ, 30-разъ 14 кор. = 420 кор., потому же 50-разъ 6 кор. = 300 кор. То есть 420 и 300 кор. = 720 коронъ.

Анекдоты.

А ТАКЪ?

— „Чому выгнали васъ изъ послѣдноѣ вашоѣ службы?“

— „Бо я одинъ одинокій разъ бывъ упивъ ся!“

— „А якъ довго вы тамъ были?“

— „Одинъ день!“

КОСТЕЙ НЕ ЪСТЬ.

Ишовъ собѣ панъ Романъ съ псомъ и стрѣтивъ страшну худу панну.

— Ахъ, пане! — заговорѣла панна — тримайте пса, бо боюсь, обы мене не укусивъ.

— Не бойтесь, панѣ — отповѣвъ усмѣхаючись Романъ — мой песъ костей не ѣсть.

ПОСТУПЪ.

Судія: Якъ маете смѣлость говорити, что вы есте дротаремъ, если при ревизіи у васъ не найдено ни кусничка дроту?

Обжалованный: Бо то прошу г-на судіи теперь свѣтъ поступовой. Если може быти телеграфъ безъ дроту, то и дротаръ може безъ него обойтись.

НА 1919. ГОДЪ НАШЪ КАЛЕНДАРЪ



уже появились.



ЦѢНА:

Мѣсяцесловъ (съ типикомъ) 4 коронъ.

Календаръ (безъ типика) . 2 коронъ.

Просиме О. духовники и пѣвцо-учители,
что заказанье чѣмъ скорше дали намъ.

АДРЕСЪ:

„Unio Könyvnyomda Részvénytársaság“

Ungárt, Széchenyi-tér 10. szám.

Kiadó az „Unio Könyvnyomda Részvénytársaság“ nevében :
SZEMÁN ISTVÁN, igazgató.